



Sud Bosne i Hercegovine

Суд Босне и Херцеговине

---

Broj: Su-08-257/20

Datum: 28.10.2020. godine

Na osnovu člana 64. stav (1) tačka b) najniža cijena, člana 70 stav 1., 3. i 6. Zakona o javnim nabavkama ("Službeni glasnik BiH", broj 39/14) i člana 1. Poslovnika o radu Suda Bosne i Hercegovine ("Službeni glasnik BiH", broj: 82/05) na preporuku Stalne komisije za javne nabavke Suda Bosne i Hercegovine broj: Su-08-256/20 od 28.10.2020. godine u otvorenom postupku javne nabavke računarske opreme i opreme za prenos podataka za **LOT 4 – SAN uređaj za pohranu podataka – JRJN 30233000-1**, donosim

**ODLUKU**

o izboru najpovoljnijeg ponuđača za nabavku računarske opreme i opreme za prenos podataka za **LOT 4 – SAN uređaj za pohranu podataka**

**član 1.**

Prihvata se preporuka Stalne komisije za javne nabavke Suda Bosne i Hercegovine (u daljem tekstu: Komisija), broj: Su-08-256/20 od 28.10.2020. godine i Ugovor za nabavku računarske opreme i opreme za prenos podataka za **LOT 4 – SAN uređaj za pohranu podataka** - oznaka i naziv iz JRJN: 30233000-1 (uređaji za pohranjivanje i čitanje medija), dodjeljuje se ponuđaču "**VERSO**" d.o.o. Sarajevo, sa sjedištem na adresi Emerika Bluma 23, sa ponudom broj: 20201001-1-SK od 01.10.2020. godine za ponudenu cijenu od **51.250,00 KM** bez PDV-a.

**član 2.**

Ugovor o nabavci dostaviti će se na potpis izabranom ponuđaču "**VERSO**" d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

**član 3.**

Ova odluka objavljuje se na internetskoj stranici Suda Bosne i Hercegovine. Komisija za javne nabavke uputiti će obavještenje svim ponuđačima koji su učestvovali u postupku u skladu sa članom 70. stav (6) Zakona o javnim nabavkama.

**član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## Obrazloženje

Postupak javne nabavke pokrenut je Odlukom o pokretanju postupka nabavke opreme po lotovima broj: Su-08-178/20 od 24.08.2020. godine. Javna nabavka je provedena putem otvorenog postupka za dostavu ponuda broj: Su-08-192/20, a procijenjena vrijednost javne nabavke računarske opreme i opreme za prenos podataka za LOT 4 – SAN uređaj za pohranu podataka je 51.300,00 KM bez PDV-a. Obavještenje o nabavci objavljeno je na portalu javnih nabavki pod brojem 243-1-1-36-3-18/20 od 03.09.2020. godine zajedno sa tenderskom dokumentacijom. Komisija je rukovodiocu ugovornog organa dostavila Zapisnik o pregledu i ocjeni ponuda i prijedlog o izboru najpovoljnijeg ponuđača u postupku javne nabavke računarske opreme i opreme za prenos podataka za LOT 4 – SAN uređaj za pohranu podataka. Komisija je blagovremeno i pravilno izvršila javno otvaranje ponuda dana 01.10.2020. godine i sačinila Zapisnik sa otvaranja ponuda koji je prosljeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni i poređenju ponuda te o tome sačinila odgovarajuće zapisnike u kojima je utvrđeno slijedeće: da su blagovremeno pristigle ukupno tri (3) ponude (NV-INVEST d.o.o., VERSO d.o.o. i TIME CODE d.o.o.), da nije bilo neblagovremeno zaprimljenih ponuda; da je ponuda ponuđača VERSO d.o.o. ocijenjena prihvatljivom u skladu sa tenderskom dokumentacijom dok su ponude ponuđača NV-INVEST d.o.o. i TIME CODE d.o.o. ocijenjene neprihvatljivim.

Ponuđač „NV-INVEST“ d.o.o. Ilijaš u ponudi za nabavku računarske opreme i opreme za prenos podataka za LOT 4 – SAN uređaj za pohranu podataka je u ponudi dostavio tehničku specifikaciju opreme koja ne ispunjava kvalifikacione uslove koji su traženi tačkom 9. tenderske dokumentacije, i ponuda je neprihvatljiva.

Ponuđač „TIME CODE“ d.o.o. Sarajevo u ponudi za nabavku računarske opreme i opreme za prenos podataka za LOT 4 – SAN uređaj za pohranu podataka nije dostavio nacrt ugovora u skladu sa formom koja je data u Aneksu 5 tenderske dokumentacije, te zahtjevima definiranim tačkom 27. tenderske dokumentacije, i dostavio je tehničku specifikaciju opreme koja ne ispunjava kvalifikacione uslove koji su traženi tačkom 9. tenderske dokumentacije i ponuda je neprihvatljiva.

Za ovaj postupak je predviđena e-aukcija. Pristigla je samo jedna prihvatljiva ponuda od ponuđača “VERSO” d.o.o. Sarajevo te u skladu sa pravilnikom o uslovima i načinu korištenja e-aukcije, ista se za ovaj postupak javne nabavke ne može zakazati. U postupku ocjene provedenog postupka, rukovodioc ugovornog organa nije našao nepravilnosti niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač “**VERSO“ d.o.o. Sarajevo** izabran primjenjujući kriterij najniže cijene prihvatljive ponude koja je u iznosu od **51.250,00 KM** bez PDV-a. Iz navedenih razloga, primjenom člana 64. stav (1) tačka b) najniža cijena Zakona o javnim nabavkama odlučeno je kao u dispozitivu.

### POUKA O PRAVNOM LIJEKU:

Ponuđač koji je učestvovao u postupku nadmetanja može radi zaštite svojih prava i pravnih interesa izjaviti žalbu ugovornom organu u roku od 10 (deset) dana od dana prijema ove odluke.

